

太倉鄉先賢畫象

葉恭綽
敬題



782.621
8633

舊籍

太倉君鄉先
賢畫象

葉恭綽敬題



中華民國卅六年

年孟春上海百

宋印刷局承印

太倉鄉先賢遺象冊序

後學秋肅
敬署



唐 序

重光大荒落之歲如月及門凌生祖詒以書來告曰吾邑地處海濱風爲禮讓之鄉自宋迄元代有聞人志乘不絕書祖詒兢兢焉以表揚前賢爲職志謹自宋代始歷元明迄清光宣時止蒐集先哲遺像裝繪裱製附以傳略預定百頁先拓印第一集問世夫攷典型而資矜式亦吾師之志也敢請一言以爲序文治開之肅然勳容曰凌生之願宏矣厥功偉矣語曰莫爲之前雖美弗彰莫爲之後雖美勿繼頌懷先哲歷歷心目間文苑有弁州昆季開其宗而鹿樵子以詩史鳴復社蠲翼天如南郭主盟壇坫性理有陸陳江或四先生闡其旨而顧行人沈光祿以經學著畫理王奉常大顯於世而麓臺少司農續戎繩武平陽衡玉侍郎敬箴庶子科名鼎盛而婁東詩餼興焉畢官保經訓開堂幕府及一時之盛厥後錢伯瑜中丞父子勳業丕著陸星農殿撰金石名家洎乎清季吾師陸文慎王文貞二

公或以忠直諫辭顯或以高尙道學傳人才項背相望蓋歎或哉過吾鄉者嘖嘖稱羨以爲風俗純懿甲於全省而揆厥淵源蓋有所在自陸陳江或關明理學躬膺道統之寄由是經正民興人知正學後之人訪淮雲寺舊址過蔚邨七十二潭慨然想見諸老輩講學之風瞻慕流連不能自己而讀陸先生遺書與思辨錄陳先生遺集與治綱或先生形勝要略與夫妻水文徵婁東雜著諸書僉歎爲天人之奧經世之謨格致治平之源具備於斯後生小子高山景行其奮發刻勵砥柱中流之志當復何如昔子輿氏曰奮乎百世之上百世之下聞者莫不興起然則披覽是冊誦其詩讀其書不啻親炙其人矣而文治更有進焉者先大夫勗畢生精力教授生徒莘莘焉壹以正風俗尊經術培人才爲宗旨恭覽是冊遺容宛然文治旣不勝蓼莪之痛而後代子孫迪維前人光華躋諸先進隨在皆入德之門又豈僅繼序不忘而已哉邑後學唐文治謹序

汪序

吾吳名賢象之作會稽先賢象贊五卷見隋書經籍志此繪象成書之最古者宋紹興間吳郡瞻儀堂圖像有繪事而無成書率皆年湮代遠已不可攷明吾婁王鳳洲先生有吳中往哲象厥後錢穀張蟾迭有增補有清道光年間蘇州顧湘舟文學沅取而合家所存者并爲一冊中丞安化陶文毅公命壽諸石擇滄浪亭隙地建祠奉安諸賢刻象嵌列祠壁春秋祀之世傳滄浪亭五百名賢象者吾婁蒐集良多先司空公亦與焉不佞在蘇時曾與春秋祀典詹仰遺容奔奔有生氣肅然興高山仰止之思今夏四月凌君燕謀世講寓書於余並唐茹經譜兄序附以畫像屬爲題詞敬詹圖象莊誦序文自宋以迄清之光宣或摹自古冊或訪求各家後裔各有傳贊無一遺虛造者都若干頁丁茲元黃百六之會燕謀以正人心爲切要之圖迺屬王君伯明諸人繪圖印以行世景行先哲某以德行某以政事某以文學使人各觸發而則效之用心可謂精勤而遠大矣其意豈一圖而止乎抑更有進焉尙友古人立身敦行與古人有易地皆然之契世之治亂不足以間之在漢文翁治蜀列孔子弟子象於石室中以文教倡導俗隨大治昔人垂教每取古人事蹟可法者圖其形狀令人觀省蓋較之空言記載尤警切動人也燕謀心嚮往之非好古敏求之篤而能若是乎觀是圖者咸知愛慕而興起則燕謀敬恭桑梓之心轉移風俗之功豈淺鮮哉鳳洲有知當亦心許直可與滄浪亭五百名賢象並垂不朽不徒景賢已也歡喜讚歎爲志數語以質茹經以爲何如邑後學平陽魏倉老人拜手謹序

瞿序

劫火相尋滄桑屢易前賢著述淪落殆盡先正儀型莫由瞻仰有識者怒焉憂之余夙好蒐集鄉邦文獻年來戰餒愈熾蒐集之事益不容緩輒于煨殘盡餘之中網羅放失以期存什百於一二甲申春暮余以蒐輯寶邑先哲詩文道經崑嘉至婁東訪錢姑丈伯尊施子勉夫凌子燕謀等盤桓數日多蒙指助得孤本鈔本數種以歸而燕謀復出眎所編太倉鄉先賢畫象展觀一過心竊喜之風雨雞鳴固引爲同調也今年春燕謀郵書於余及吳子拯寰謂近得諸同人之贊助屬在剞鐫版付印余與拯寰喜其文事之有成也樂其文獻之足徵也遂爲經理其事書將成燕謀並屬識數語因思太倉爲余舊僻之地弱冠時嘗讀書於州學與其邑之賢士大夫遊覺其風俗茂而學問醇而唐茹經師煦燠之化講學之功尤深懼而博大河澗前塵低徊不已平居亦嘗讀其先賢遺著歷代志乘與夫易吟

集婁東詩派婁水文徵婁東雜著婁水琴人集諸典籍乃知太倉爲東南人文薈萃之州德澤文教淵源已久有非他邑所能幾及者是則余旣獲與其今之賢士大夫遊又獲讀其前賢著述矣而獨未能瞻仰其先正儀型也今展畫象無異與前賢晤對昔讀其書今瞻其貌其景仰之心有不油然而起者乎則是書之刊印傳布俾後之來者知太倉一邑自宋元迄明清其間名賢輩出有忠孝節義勳業文學等聲聲可傳之行誼瞻其容貌讀其傳贊有以發其觀感之心堅其砥礪之志以自拔於人羣更立己而立人其有益於風俗人心豈渺也哉世不乏有識者當此世亂初定道德淪喪之際其急將前賢著述先正儀型蒐而輯之彙而圖之以保文獻以正人心由一鄉而一邑由一邑而一省由一省而一國次第刊布之非今日吾輩事乎有建余言者請自太倉鄉先賢畫象始燕謀聞之曰然遂撮述其意而與之丁亥四月寶山後學瞿世鎮謹序

自序

歲月忽忽人生數十寒暑託跡於世果何爲者儒家言性理性有善惡理有是非乃秉氣稊簡與純厚之別孟子養浩然之氣文山言正氣氣之爲物神變不測可大可小至堅至剛冥焉渺焉不可捉摸併千萬人性與氣而成國魂邑性強弱繫焉興廢存焉人以性之真誠篤實發而爲文章事業鐵肩可擔道義砥柱乃時中流聖之時也任也和也皆具見微知著之力爲千古不磨之寶百年一瞬爲骸骨爲糞壤無不朽者所長存者靈爽與精氣耳動心忍性卽保持精氣之唯一薪傳富貴不淫貧賤不移忠信芳草固時常有而地長存也吾婁風爲吳地元末張士誠置倉曰東倉明宏治十年割崑山之新安惠安嘉定之樂智循義等鄉建太倉州清雍正三年改爲直隸州民國成立併鎮洋而爲太倉縣地處長江之濱禮讓之鄉民風敦樸代有賢哲孝義文苑詩史科名畫理勳業氣節蔚爲大觀末學後進濶覽志乘不禁動典型圭臬之思而生攬轡澄情之念迺考其事蹟圖其象貌探冀夫通清靈正之精神永垂不朽而藉以移風易俗洗滌人心者此太倉鄉先賢畫象之所以輯也於是晉陽夫子海南總長雄文闡述雅翰貽留而寶山瞿子西華嘉定吳子拯實以鄰封之舊雨奮贊助之熱忱當金融動盪之秋仍爲竭誠興起之謀其有功世道爲何如乎嗚呼晦明風雨鐘鼎山林愛國教民之心固無時或已明知頹短汲深何補時艱而雖履一簣進吾往也苟以此集爲撝拾陳言豆棚瓜架閒語如絲白雲蒼狗幻化無盡如天寶官人之談往事者亦在讀斯集者之見仁見智矣乎丁亥孟陬燕謀凌祖詒序於星苑之南樓

太倉鄉先賢畫象凡例

- 一、本編共集五十人每人一象一傳一贊
- 一、本編所選輯人物自宋元迄明清爲止以孝悌忠信禮義廉恥暨治行學問爲準
- 一、本編編列用編年制以時代之先後爲序
- 一、本編傳略根據州志縣志及私人譜牒傳記之類贊語除未留姓名之前人所撰外其餘爲唐文治錢詩棟陸修祐凌祖詒等補撰成之
- 一、本編圖象或由冊集中摹下或由各家後裔交出或由各家譜上取臨或由各地圖書館中蒐採
- 一、本編之臨繪圖象人爲王伯明樓龍殊
- 一、本編供給材料奔走襄事者爲陸澹如
- 一、本編之贊助參訂人爲常熟張縣長禮綱寶山瞿西華嘉定吳拯寰
- 一、本編以五十象爲初集俟續有蒐採印行第二集

太倉鄉先賢畫象目錄

呂後學凌祖詒燕謀編次

宋 龔宗元 郊 直

元 龔 詡

明 陸 景 毛 弼 凌 昆 陸 容 陸 鈇

姜 昂 王 秩 毛 澄 周 在 張 寅

王 積 陳 如 綸 王 忬 王 錫 爵 顧 存 仁

周 復 俊 王 世 貞 王 世 懋 凌 汝 志 張 振 之

管 志 道 毛 在 錢 桓 趙 宦 光 王 在 晉

李 繼 貞 張 采 張 溥 顧 夢 塵 陸 世 儀

沈 雲 祚 江 士 韶 顧 士 璉 王 傑

清 王 揆 王 原 祁 沈 起 元 汪 廷 瑛 畢 沅

胡 益 謙 陸 增 祥 錢 恩 棨 陸 寶 忠 楊 泰 瑛

唐 受 祺 王 祖 會 陳 寶 書

鄉先賢畫像贊

品德言功氣沛宇宙或顯
或幽千秋各有於邦國如
日星為里閭之山斗

錢宇敬撰



前賢可法

陸京士題



中華民國五十六

年春台北雲祥印

刷出版公司再版

再版序

中華民國三十四年秋抗日勝利同鄉鑒於桑梓文物遭受日寇蹂躪皆多散失乃由狄君武先生與余商承鄉前輩唐茹經先生發起編印「太倉鄉先賢錄」並推由凌燕謀先生蒐集資料負責編輯首集於三十六年殺青忽忽已二十載豈意此集初出問世共匪竊居大陸倒行逆施摧毀中華文化此類文史自被毀滅無遺前年狄君武先生病逝台北其遺篋中檢出此書先德遺澤冥冥中若有神護展卷循誦倍感珍重深恐失傳決予影印以供國人景仰五十五年初冬余遊歷歐美歸來同鄉敘談決定將此集影印並與顧儉德沈越千陸慶和趙維明顧應祺李振華鮑惠昇張雲璋邢凱聲諸同鄉共同磋商辦理以示對先賢之崇敬並以此為響應復興中華文化運動

中華民國五十六年春太倉陸京士謹序於台北市

龔會之先生象



太倉鄉先賢畫像

龔宗元

公姓龔諱宗元字會之幼穎悟絕人讀書虎邱寺爲鄉貢首選
宋天聖五年擢第知杭州仁和簿以父疾乞便養調吳縣以荐
擢大理評事知句容縣發姦摘伏如神明歷通判衢越州官至
都官員外郎後徙峴山黃姑塘謝事家居作中隱堂與致仕屯
田員外郎程適太子中允陳之奇爲文酒之會吳人稱爲三老
初官仁和時范仲淹爲帥謂曰君器業清修他日必爲令器慎
勿因人以進迨登朝未嘗遊公卿門皆仲淹之教也著有文集
十卷葬于南峯

贊曰祿不期侈以方介名清修正氣重于公卿

鄭正夫先生像



太倉鄉先賢畫像 鄭 亶

公姓鄭諱亶字正夫太倉人自幼識度不凡嘗上書陳蘇州水利授司農寺丞提舉興修兩浙水利罷歸治所居之西田曰大泗漶者如所陳之說爲圩岸溝澮場圃俱用井田之制歲入甚厚圖狀以獻且以明前法非苟然者復爲司農寺丞預修本寺制式頗號完密除江東轉運判官出知溫州年六十六歲卒著吳門水利四卷墓在太倉北門內木行橋街

贊曰繪圖立說續在河渠後來水利視此成書

龔大章先生象



太倉鄉先賢畫像 龔 詡

公姓龔諱詡字大章父譽謫戍五開公甫三歲從母王依外家未幾誓死戍所勾伍之牒旁午賴宗人保持之年十四白母詣闕候補得遼陽調守金川門燕兵區金川谷王摠開門降公奮戈不中走郊外回顧宮中火起乃大慟亡命變姓名王大章匿江陰常熟間時聞追討聲夜走任陽投馬陳二家匿大困中讀書多著述間夜渡婁江省母禁稍解賣藥授徒明宣德間詔寬軍伍始得歸周忱撫吳聞其賢薦爲松江太倉衛教授不就曰詡老兵仕無害恐負往日城門一慟耳因泣下周歎息而去晚隱虞浦年八十八歲卒私諡安節先生葬崐山儒學後清乾隆四十一年奉旨入忠義祠贊曰金川門開百官迎謁痛哭投戈乃有戍卒

陸孟昭先生象



公姓陸諱和字孟昭太倉人明景泰二年進士歷官刑部郎中
決獄明恕被命按事河南山西還奏稱旨陞福建參政奉勅巡
視海道先是有通夷商船擄掠殺人公練兵發艦擒治之漳泉
二部水嶺城公築捍堤免海患未幾以讒罷公爲郎時卽京邸
築清風館罷歸築賜閒堂自娛性仁厚見丐者係童時友執手
延坐留數日爲之買居計生殖卒葬楊伽山下丹霞塢
贊曰胸懷豪爽接引名賢宦蹟所著曰章曰泉

毛維忠先生象




太倉鄉先賢畫像
毛
弼

公姓毛諱弼字維忠太倉人素習儒業通經義居北巷街人稱
北巷毛夫子孝友謹慎獨居有鄰婦來奔正色叱去家貧遺田
悉讓兄年七十時日者布算謂有二十年寒運後當利達聞者
笑之以爲謬及孫澄登第適年九十及登百歲巡撫彭澤爲建
人瑞坊又十二歲而卒贈資政大夫禮部尙書葬東一都趙涇
之源流

贊曰吳中人瑞有百歲翁穀詒子孫優遊令終

凌石林先生象



太倉鄉先賢畫像 凌 昆

公姓凌諱昆字文紹號石林學詩於陸太宰完完廷誨諸孫欲
官之謝不受及完以黨寧王事被逮客皆散匿公獨易服變姓
名周旋艱險事定乃去以子雲鶴雲翼貴誥贈太子少保兵部
尙書僉都御史兩廣總督等官年七十王公世貞爲壽敘有走
遍長安城未見如公之高義者卒年七十七歲葬太倉直塘鎮
二十九都二圖豐慶橋之西原

贊曰司久蒸蔚實由虞鄉文懿作傳者頌用彰緬維先生操行
端恪冥冥飛鴻翔於寥廓彼榮奚慕惟義則趨急人之難違惜
崎嶇誕厥令嗣聿新堂構召我故交布衣言舊斗山望尊怡志
邱園義方有矩爲國屏藩孝友之資秉乎天性巾服儼然肅肅
生敬

陸式齋先生象



太倉鄉先賢畫像 陸 容

公姓陸諱容字文量號式齋太倉人明成化二年進士除兵部職方司主事累陞郎中時值邊警封事日或三四上錦衣百戶韋瑛掩平民告變公請詔法司鞠瑛坐誅先是捕妖言者例授世職民多誣死得公疏斯例遂除出爲浙江布政鍊核庶事歷郡縣間民疾苦作士氣表彰先賢毀諸祠不在祀典者乃條列浙江急務十事復疏論漕渠利害語觸時要不報尋以謗免既歸作菽園著書其中口不及榮辱絕跡公府踰年卒年五十九公好讀性孝友居父母喪三年不處內一弟早死撫孤如己生公少時美丰姿年二十四應試南京館人女吹簫誘之公辭以疾作詩云風清月白夜窗虛有女來窺笑讀書欲把琴心通一語十年前已薄相如次日託故去是科領鄉薦著有菽園日記式齋集葬小西門外陳門塘北

贊曰侃直敢言不避權要至性過人實忠且孝

陸鼎儀先生象



太倉鄉先賢畫像 陸 鈺

公姓陸諱鉞字鼎儀太倉人少與陸容張泰齊名號婁東三鳳
明天順八年會試第一成化二年廷試第二授翰林院編修修
英廟實錄遷修撰選侍講讀敷納詳懇禮度莊飭孝廟在東宮
每屬目焉進太常少卿兼翰林侍讀充經筵日講官以疾乞歸
卒年五十賜葬祭公爲人端肅凝重清介不苟學究淵源爲文
章周煥雍裕詩調卓絕家有春雨堂著春雨堂稿
贊曰少卿名德進退不苟婁東三鳳公居其首

姜恆頰先生象



公姓姜諱昂字恆穎太倉人明成化八年進士出知棗強縣有
異政召爲御史率同官劾倖臣李孜省被杖聲稱藉然出知河
南府歲旱公至雨沛號姜公雨以母年老屢疏乞便郡改知寧
波復以母疾棄官歸拜福建參政不起終養服除部使者交章
荐公未就而卒士論惜之公爲人仁孝廉慈恬退宰縣守郡罔
不得體筮仕三十年家業蕭然所居不蔽風雨而饗殮時匱則
磨麥作糜充食鄉人呼爲姜麥粥其清節若此墓在吳邑官山
桃花塢

贊曰姜雨姜麥誠感天人清操直節格主化民

王循伯先生象



太倉鄉先賢畫像 王 秩

公姓王諱秩字循伯太倉人明成化二十三年進士授永康知縣永康賦稅多不平公履政計實民大悅入爲南京兵部主事遷刑部員外郎劉瑾方用事凡外任入爲京朝官者例有饒公不應亡何遷廣東按察司僉事巡按某劉黨也侵公公卒不屈被檄勦廣西蠻寇威名頓起擢江西兵備副使遷按察使會桃源大盜起副使用憲死之公披甲躍馬置矢石立斬害憲者搗其巢且戒軍衆毋屠戮全活甚多寧王宸濠折節僞恭至欲請婚其子公遜謝之而私語人曰寧邸志滿氣揚陰養任俠姦人不出十年江右必騷動尋擢雲南布政使予告侍養因哭其師之喪遂卒

贊曰恂恂儒臣特具將略身無臭援秉心忠恪

公姓王諱秩字循伯太倉人明成化二十三年進士授永康知縣永康賦稅多不平公履畝計實民大悅入爲南京兵部主事遷刑部員外郎劉瑾方用事凡外任入爲京朝官者例有餽公不應亡何遷廣東按察司僉事巡按某劉黨也侵公公卒不屈被檄勦廣西蠻寇威名頓起擢江西兵備副使遷按察使會桃源大盜起副使周憲死之公披甲躍馬置矢石立新害憲者搗其巢且戒軍衆毋屠戮全活甚多寧王宸濠折節僞恭至欲請婚其子公遜謝之而私語人曰寧邸志滿氣揚陰養任俠姦人不出十年江右必騷動尋擢雲南布政使予告侍養因哭其師之喪遂卒

贊曰恂恂儒臣特具將略身無負援秉心忠恪

毛憲清先生象



太倉鄉先賢畫像 毛 澄

公姓毛諱澄字憲清太倉人明宏治六年廷試第一授翰林院
修撰累官禮部尙書充經筵官東宮講讀與修會典通鑑輯要
孝廟武廟寶錄主考鄉會試咸稱其職嘉靖改元大禮議與公
與公卿六十人上議援漢成帝立定陶王爲嗣而以楚王孫後
定陶例疏五上帝不懌遂請致仕加太子太傅給驛傳歸至興
濟卒贈少保益文簡葬太倉城北二里公持身貞靜立朝清謹
與朱希周顧鼎成同年入泮謁廟日大雷雨二人皆以狀元爲
名臣人多異之
贊曰南巡之諫大禮之議無忝名臣雷雨著異

周除庵先生象



太倉鄉先賢畫像
周在

公姓周諱在字承德號除菴太倉人明宏治五年舉人選授廣西養利州知州以疾未赴公少孤力學遵父遺言置田八百畝立義莊家塾給族之貧無養孤無教者建綏成祠祀始遷祖而以族人無後者禘焉公言貌有古人風善楷書整勁類其爲人贊曰設塾建祠克承先志以疾辭官不惑榮利

張仲明先生象



太倉鄉先賢畫像 張 寅

公姓張諱寅字仲明號曉川太倉人居城內有歲寒居明正德十六年進士歷高安宜春令入爲南京河南道御史時張璉失上指勒璉晝夜南馳公劾璉悻悻無人臣禮并及都御史汪鋹姦狀誦爲高唐州判官期年移知安州安多水患公俊牙家港築隄禦之時比壤祁州守孔天元亦以才見重時人語曰有所疑問安祁莫憂恐有張孔及張璉汪鋹死入爲南京文選司郎中會冊立皇太子簡宮僚改右春坊右司直兼翰林院檢討仍以五品服供職故事翰林六品下次科第序坐中公中進士十九年同列多後進授官之歲有凌侮公者不爲屈後被忌者劾罷歸卒年六十四歲葬九都著有曉川文集太倉州志贊曰司直議禮合於古儒一蹶不起閉門著書

王 子 崇 先 生 象



公姓王諱積字子崇太倉人少純篤嗜古讀書冬擁被夏納足
木罍明正德十六年進士任兵部以便養乞南補武庫司郎中
遷廣東參議治糧儲考利弊佐當事殄恩中寇虜獲千計功上
賜金綺以憂歸服除起陝西參議遷湖廣參政時苦苗叛巡撫
用公計勦平之公受世宗知遇上題御屏云憤打達差不要錢
王積晉副都御史巡撫山東遷南京兵部右侍郎以目眚乞歸
年七十八卒葬九都
贊曰耽讀性成治兵功劭題名御屏一錢不要

陳德宣先生象



太倉鄉先賢畫像

陳如繪

四二

公姓陳諱如繪字德宣太倉人明嘉靖十一年進士授福建侯
官令始至不露鋒穎吏易之藏奸百端一日召立庭下以次摘
發吏駭服終任無敢作姦者一縣稱神尤留心學校以贖緩贍
貧生緩催科出官帑爲民償欠後改刑部主事擢福建布政右
參議以勞瘁乞歸卒於家公事後母孝雅慕忠義嘗被疾宿三
忠寺因困頓不能執筆口占長歌見志世所稱三懷詩也永豐
令某以茶果百金爲贈卻之曰吾方飲水無所用茶其清操如
此著有冰玉堂稿

贊曰詠三懷詩却百金贈義導昭憲氣奪武定

王元馭先生象



太倉鄉先賢畫像

王錫爵

四四

公姓王諱錫爵字元馭號荆石太倉人明嘉靖四十一年會試
第一殿試第二授編修累官禮部尙書建極殿大學士予告歸
萬歷戊子江南歲祲公請蠲賦有司攤荒議民便之國本未建
廠璫張鯨蓄異志言官論劾公以冊立豫教及建儲抗疏凡六
上乃許丁未復起輔政以病辭又二年卒年七十七墓在蘇閬
門外來鳳橋賜祭葬予諡文肅性孝友文章有唐宋大家風居
室寒素終身無妾媵所著有奏議文章牘草若干卷祠在雷應
鋪儒學東南

贊曰文肅得君始終以禮疏爭建儲獨持大體

顧伯剛先生象



太倉鄉先賢畫像 顧存仁

公姓顧諱存仁字伯剛太倉人明嘉靖十一年進士除餘姚令
徵爲禮科給事中時以災異求直言公言宜廣曠蕩恩赦議禮
遣戍諸臣末云敗俗妨農莫甚釋氏葉凝秀何人而敢乞度帝
方崇道葉凝秀道士也帝以爲刺已廷杖六十謫佃保安州往
來塞上凡二十三年穆宗卽位召爲南京通政參議歷太僕卿
因請重太僕丞選及論馬政弊報可聘歸有光修寺志書成乞
歸公困厄久方見用遽勇退世尤高之萬歷初卒年七十予祭
葬墓在陽山大石塢

贊曰敢言之臣蹶而復振馬政書成邊疆效順

周子顓先生象



太倉鄉先賢畫像

周復俊

四八

公姓周諱復俊字子籲侍郎廣之子明嘉靖十一年進士歷工部主事員外郎中陞四川提學副使請託不行蜀人以刻覈中之累遷雲南左布政使南京太僕卿致仕公器度純雅風神韶秀居官清介多惠政三十年如一日少遊方鵬之門精研理要在滇時與楊慎切劘學益進有太僕集東吳名賢記贊曰純雅其度清介其節蜀西滇南謳思未歇

王鳳洲先生象



太倉鄉先賢畫像

王世貞

五〇

公姓王諱世貞字元美號鳳洲太倉人家鼓樓舖明嘉靖二十六年進士授刑部主事歷官至南京刑部尙書爲曹郎時與李攀龍諸子以文章相頡頏楊忠愍以劾分宜論死公爲經紀身後分宜勿善也出公備兵青州父忬以封疆被戮伏草土中幾十年三年不茹葷不御室嵩敗薦起俯歷中外涉卿寺精於吏治以南京司寇歸築弇山園以娛老公才名滿天下詩文馳驟風雨明習掌故持論娓娓著有弇州四部稿四部續稿弇山堂別集弇州史料等數百卷惜有良史才而未竟厥志卒年六十五歲葬楊林塘父忬墓祠在小西門內

贊曰一代詩壇追蹤北地位列六卿精於吏事純孝性成克償厥志

王麟洲先生象



太倉鄉先賢畫像

王世懋

五二

公姓王諱世懋字敬美號麟洲明嘉靖二十八年進士是年遭
父忤難號奔毀墨終喪猶縞素不聽音樂者幾十年時從兄世
貞爲詩歌相勞苦海內慕之呼小美隆慶初父寃白薦授南京
禮部主事歷遷尙寶司丞時臺臣傅應楨劉臺論張居正得罪
公數左右之居正怒出公爲江西參議進副使請急歸居正歿
起浙江提學副使累遷太常寺少卿丁亥病歸築澹園於城西
南隅卒年五十三歲著有奉常集

贊曰始從兄學終雪父寃嚴正守禮以絕黨援

王 思 質 先 生 象



公姓王諱忬字民應號思質太倉人侍郎公諱倬子明嘉靖二
十年進士授行人歷按湖廣順天世宗謂公能擢僉都御史巡
撫山東三閱月以公巡視江浙公用兵遣將調度有方連獲大
捷居二載凡沿海奸猾悉捕治之賊遂遁跡甲寅大同撫臣失
律下獄帝手勅進公右副都御史巡撫大同秋防事竣加兵部
右侍郎葡遼總督進右都御史時練兵議起與嚴嵩不協未幾
嵩黨鄒懋卿嗾御史方輅劾公逗撓負上恩下詔獄論斬明年
冬棄西市天下寃之穆宗卽位于世貞世懋伏闕訟寃復故官
子蔭賜祭葬墓在楊林塘西

贊曰防邊練兵才識超卓失歡分宜身遭其毒

凌道山先生像



太倉鄉先賢畫像

凌汝志

五六

公姓凌諱汝志字雲鶴號道山太倉人居直塘鎮明嘉靖二十三年進士除宜春令三年入爲刑科給事中疏論要地不職入覲官不當賄贖費當時權要憚之庚戌以直諫受杖創未合扶疾視事轉工科右給事中奉旨覈順天錢穀劾府尹不職罷之時蔣應奎竄子兵籍冒功濫襲公論罷之陞戶科都給事中復建言拜杖居諫垣先後八年以龍鍾老親故乞南歸擢尹天府丞攝尹事值鄉試防檢勞瘁不及藥遂卒公爲諸生時聞王守仁夏知之說於錢德洪復卒業於歐陽杲之門時謂其學業有本清蘇撫陶文毅公列公像入滄浪亭五百名賢祠贊曰矯矯黃門學宗良知拜杖者再直言無私

張仲明先生象



太倉鄉先賢畫像 張振之

公姓張諱振之字仲明太倉人性至孝父士鏗以謙約稱感異疾躁不能眠公以身承之逾七晝夜而愈明嘉靖三十八年進士授處州推官擢監察御史按通州糧儲衛衛官利掌衛印以避漕運公疏請漕運必用掌印官庶利害均用是官民稱便著爲令定國公徐延德驕橫公劾罷之嗣遷判臨清州累任南吏部文選司郎中出知吉安府以事乞休未報歸以例奪官居久之起知杭州尋晉按察副使溫處兵備病歸卒年五十七歲公服官二十年橐中不滿二金見盥具爲署中物還之清介如此著有詒清堂集巡倉奏議等書

贊曰二十年官無一金積貴而能貧爲廉吏式

管東溟先生象

太倉鄉先賢畫像

管志道



公姓管諱志道字登之號東溟居毛家市明隆慶五年進士授
南京兵部主事時衛卒苦貢舶公言於尙書裁去二百丁外艱
服除調刑部念天下事大可爲者九上其重要者如崇講學開
言路卹直言廷杖諸臣忌者曠居正以前奪情時公實與吳中
行趙用賢謀乃出公按察簽事分巡嶺東年尙強或御史舉大
計置公老疾罷免居正敗抑者皆起而公如故以臺疏還舊官
未久致仕又三年荐起湖廣言者復尼之乃歸譽望益起從者
甚衆著書凡數十種俱宏博辨晰卒年七十二葬鐵山
贊曰載艘蘇困拜疏斥權閉戶著書博辨無前

王明初先生象



太倉鄉先賢畫像

王在晉

六二

公姓王諱在晉字明初太倉人明萬歷二十年進士授中書舍
人累擢至福建興平道平海寇有功丁母憂服闋補湖廣荆南
道水災發贖緩賑濟全活無算改副使浙江杭嚴道卓異擢副
都御史巡撫山東等處籌劃海運接濟遼左陞工部左侍郎總
督河道卽授添設戎政兵部左侍郎總戶兵工三部水西蘭首
反公舉朱燮元等往征勦平之天啓二年特授兵部尙書賜蟒
玉尙方劍經略遼薊天津登萊等處軍務尋召還爲南京兵部
尙書致仕卒年八十葬二十九都直塘鎮北
贊曰運餉籌兵榮賜蟒玉經略招徠枝梧殘局

李 萍 槎 先 生 象



太倉鄉先賢畫像

李繼貞

公姓李諱繼貞字散尹號萍槎居半涇市河南名樞花築明萬
歷四十一年進士除大名推官陞工部屯田司主事調兵部職
方司天啓四年副山東典試坐發策刺魏忠賢革職崇禎元年
起補武選司進職方郎中尙書熊明遇深倚信之歷陞兵部右
侍郎兼僉都御史巡撫天津督薊遼軍餉運濟無後期開屯田
五萬一千頃歲收穀數萬石城中地斥鹵相地鑿井汲用無乏
軍民大安餉司葉廷桂侵牟無算公繩以法廷桂遂結廠衛陰
中之論罷帝念公不置卽家拜兵部右侍郎操江巡撫命下公
已卒未竟其用天下惜之著樞花築詩文集葬十二都楊林塘
南原

贊曰荆榛遍野菜蔬滿朝實心任事厄於羣僚

錢握之先生象



太倉鄉先賢畫像 錢 桓

六六

公姓錢諱桓字握之明萬歷十七年進士授任邱知縣丁艱服闋補藁城擢山東道御史出按畿南再按四川蜀有孝廉暴橫設水火二阱於家桓改裝往勘之得實究治蜀例繳鋪墊銀三載應得銀三萬八千有奇悉指鑿義井修棧道鐵練以利往來入掌河南道陞太僕寺少卿以僉都御史巡撫南贛目胥乞休歸又數年卒公長者中立無所黨任邱地衝且雜中人豪貴治以清肅有盜劫富民未獲富民執其讎以抵公疑非是釋所執購得真盜按畿南時邯鄲井陘間大俠恣橫公置諸法三輔震栗公性儉日食鮭菜一盂居鄉清謹約束子姓至今頌其威德贊曰先世事耕讀發祥湖川塘中丞登甲第循聲播琴堂報最擢侍御按畿巡蜀疆累遷至開府勳名書旂常家風同萬石忠厚澤流長綿延三百年積善子孫昌

毛君明先生象



太倉鄉先賢畫像 毛君明

公姓毛諱在字君明太倉人明萬歷二年進士授建昌府推官
擢雲南道監察御史出按貴州平牙寨苗之亂又按山東歲大
侵五上疏請蠲賑得允曾子裔流寓建方至是始歸嘉祥補博
士特請改三氏學爲四氏學陞大理右丞以疾卒於京師公性
至孝雖寅夜歸必候母安後然後入私寢歷官俸賜悉以奉母
無私蓄者生平不識銖兩之數亦不問家人生產置義田二頃
贍族田一頃餘助貧區徭役至今德之葬邑之西一都
贊曰奮武平苗救荒請賑萬里遐陬恩威並振

趙凡夫先生象



太倉鄉先賢畫像

趙宦先

公姓趙諱宦先字凡夫太倉人居璜涇鎮祖沐明嘉靖十年鄉
試第一十七年成進士父樞生隱士公少爲國子生豪華自喜
中歲折節讀書不肯蹈常襲故廬居寒山親墓旁手闢荒穢疏
泉架壑構小宛堂儼如圖畫一時名流爭造所著書數十種尤
精篆學說文長箋其所獨解也墓在寒山祀三高祠
贊曰寒山偕隱一室如仙篆學壽世說文長箋

江虞九先生象



太倉鄉先賢畫像

江士韶

七二

公姓江諱士韶字虞九太倉人弱冠爲諸生與陸世儀陳瑚講
程朱之學家貧遊郡縣幕以養親律已四戒不徇情面不通干
牘不識苞苴不通內外舞文所至敬信往往與懷私者忤卽別
歸父喪哀毀骨立母喪公道往湖南幕歸號慟十餘日無輟聲
以遊臺喪親不及弟姪族叔某貸百金於友漫以公證後不能
償公以己田償之同時理學諸儒多著述公以爲三代聖賢之
旨盡於昔賢之論說惟在躬行而已晚年取生平所作聚而焚
之故不得傳於後歿後門人私謚孝友先生
贊曰誠以事親嚴以律己無字句留有真實理

張受先先生象



太倉鄉先賢畫像 張 采

公姓張諱采字受先太倉人家南門卽姜公昂故居也明崇禎元年進士除臨川縣教儉約事母極甘旨之奉而妻子以下率烹葵食之未幾移疾歸先是張溥舉復社公歸與其事及溥卒公獨具疏定之時知州錢肅樂素重公民有不便公白之無不從福王時起爲禮部儀制司主事陞員外郎乙酉奉使歸里中巨猾數十輩給公出捶之幾死一僧伺間負之出走得脫自後東西竄伏輒南向痛哭三載卒年五十三私諡貞毅先生公好善嫉惡出於天性尤留心經濟常從兵備馮元颺入衛京師壬午程峒定海亂謀畫出公居多葬茜涇西五里所著有知畏堂集太倉州志

贊曰內行純篤經明體修仇視豪猾乃罹其殃

張天如先生象



太倉鄉先賢畫像 張溥

公姓張諱溥字天如號西銘太倉人居西門外與張采齊名明崇禎元年選貢入都歸結文社日復社四年成進士改庶吉士以葬親乞假歸四方士爭走其門里人陸文聲輸貲爲監生求入社不許遂詣闕言溥采倡復社亂天下時溫體仁柄國事下所司提學倪元珙兵備馮元颺知州周仲連皆言復社無可罪悉貶斥嚴旨窮究適蘇州推官周之夔坐事罷疑溥爲之恨甚聞文聲訐溥遂伏闕言溥等把持典章下巡撫張國維國維言之夔去官無預溥事亦被譙讓至十四年會公卒事得解十五年御史劉熙祚給事中姜燠交章言溥纂述經史有功聖賢宜取備乙覽帝詢之大學士周延儒未幾詔徵溥遺書共得三十餘卷卒時年止四十私謚仁孝葬婁江西館南岸贊曰元禮門高太邱道廣接武東林幸脫羅網

顧 慶 士 先 生 象



公姓顧諱夢塵字塵士太倉人居雙鳳鎮東其母夢神人授以石麒麟而生故名明崇禎六年副榜公嫉文風潰決畔違傳註著四書說約海內翕然宗之素慕沈麟士之爲人顏其室曰織簾居學者稱織簾先生時薦辟令下巡撫張國維欲上其名於朝清初或冒其名走謁當路貴人遂被款接委職至府通判公聞之曰我自爲我彼焉能挽我哉竟不發其事人推爲長者卒年六十九歲崇祀鄉賢所著又有織簾居詩集贊曰天上麒麟生而殊衆文醇品端當路所重

陸桴亭先生象



公姓陸諱世儀字道威號桴亭太倉人家海門橋南生而穎悟
不沾沾舉子業自經傳諸儒語錄及經濟諸書無不窮究嘗與
同里陳瑚等爲酒色名利四箴以警順治丁酉督學張能麟具
禮聘輯儒宗理要一書丙午講學於錫山東林書院說易於毗
陵大儒祠設教於雲陽黃塘費臚而至者幾百人卒年六十一
歲葬十八都私謚文潛先生著有思辨錄論學酬答清同治時
禮部奏准從祀文廟

贊曰經綸滿腹善藏其才譔論宏富以貽後來

沈予凌先生象



公姓沈諱雲祚字予凌明崇禎十二年進士授華陽令十七年
正月張獻忠破夔州成都大震公急見蜀王陳守禦策不納五
月賊陷重慶燒劫數百里旋薄城下公偕僚屬慷慨誓死守巡
撫龍文虎急遣郫縣令趙嘉輝決涪江大堰注錦江以益濠水
甫至城已破賊執公幽大慈寺饋以食公躍起大罵指其口曰
我有口食賊肉耳豈食賊粟哉遂遇害清乾隆四十一年賜諡
忠烈

贊曰巖巖蜀都賊肆屠戮縣令守城有死無辱

顧樊村先生象



公姓顧諱士璉字殷重號樊村太倉人明諸生博通今古練達時務邑之劉河淤三吳連困於水當事議浚以費繁阻三韓白公莅婁興水利用起圩法先疏朱涇繼疏劉河用公議也後吳中僚撫藩復議疏劉河淤段延公問策公請援海忠介折漕例因疏請以四萬金陵淤段五千丈建閘天妃鎮以利蓄洩至今賴之甲申秋大旱漕缺公與何寧國江士韶陸世儀曹鈞王發祥等叩閣請折州民贖千金爲費旣得請費悉還之平生以澤物爲念拯難濟急有國士風爲文藻麗善條析事情又與陳瑚陸世儀江士韶咸敬講求性命之學至老不倦卒年八十四贊曰劉河疏通民受其利起圩浚淤厥功誰繼

王德巖先生象



公姓王諱湛字德巖太倉人諸生淳弟幼端重性孝友從叔兄
瀚學父夢虬好飲酒每得修脯悉以佐酒費母疾晝夜視湯藥
少間則籲天請代父喪哀毀骨立乙酉清兵至與兄淳並死乾
隆四十一年入忠義祠

贊曰難弟難兄白刃同蹈草澤之英有此二妙

王藻儒先生象



太倉鄉先賢畫像

王 藻

公姓王諱拔字藻儒清康熙九年進士改庶吉士授編修遷贊
善提學浙江校刊劉宗周全集表彰啓禎忠節立六賢講院累
陞內閣學士轉戶部侍郎密奏明太祖怒張士誠竊據三吳因
以重額頗能爲民請命在內閣時多所建白門下士陳瓚朱軾
等歎曰吾師真古大臣也卒年八十四歲
贊曰先憂後樂是古大臣密奏請命一心爲民

王麓臺先生象



太倉鄉先賢畫像

王原祁

公姓王諱原祁字茂京號麓臺清華
熙九年進士觀政吏部充
順天鄉試同考官尋行取擢刑科給事中轉吏科特旨改中允
入直南書房歷侍講侍讀詹事陞戶部侍郎公遇物坦易存心
莫及工詩文尤精畫法歿後丹青流布寸縑尺素寶若拱璧康
熙五十四年以疾卒於官予祭葬勅建特祠
贊曰司農丰采亘古莫及法繪名高千秋獨立

沈敬亭先生象



公姓沈諱起元字子大號敬亭太倉人家南城有虛直齋清康
熙六十年進士雍正五年自驗封司員外郎出署福州府爲政
持平守大體委設海關司關向無養廉責諸關口差役歲輸二
千金公請於巡撫革之並革洋船規例數千金攝台灣知府大
風壞海船漂溺廬舍公單騎按視賑濟流民全活甚衆乾隆元
年授江西鹽驛道尋擢河南按察使大雨災被四十六縣公議
安插流亡給口糧俾無出境遷直隸布政使大旱發賑視他歲
加數倍又內轉光祿卿乞歸在官二十年未嘗受屬吏餽遺有
餘輒施之戚友晚年好易撰周易孔義集說論學兼通朱陸卒
年七十九葬邑之十九都著有敬亭詩文稿

贊曰六經五倫體用兼備見諸事功爲循吏最

汪衡玉先生像



公姓汪諱廷璵字衡玉先世由休寧徙太倉初名璿學政張廷璿爲改今名乾隆十三年成進士第二人授編修十七年大考一等一名授侍講學士尋陞少詹事入直上書房侍皇六子講席自後供奉內廷居澄懷園歲與重華宮宴歷遷詹事內閣學士兼禮部侍郎復署工部侍郎卒年六十六歲公服官三十年久趨禁近小心慎密退則校勘圖史無異諸生時凡五典鄉試四視學政甄拔多知名之士贊曰身居禁近不脫儒生甄拔多士玉尺平衡

畢秋颺先生象



太倉鄉先賢畫像 畢 沅

九六

公姓畢諱沅字纈蘅號秋颿先世由休寧徙太倉祖禮敦行好義里中善舉事無大小必倡率經理父鏞力學早卒公舉乾隆十九年順天鄉試由內閣中書值軍機處二十五年成進士廷對第一人授修撰累官左春坊左庶子甘肅鞏秦階道陝西按察使布政使護理巡撫五十年調河南巡撫又二年擢湖廣總督嘉慶元年敍功賞給輕車都尉世職卒於辰州軍營年六十八歲贈太子太保祭葬如例公自少好學手不釋卷獲古書善本輒校而付梓名曰經訓堂叢書爲政務持大體不責苛細喜褒舉尤愛才下士四方輻輳所識拔海內知名之士不下數十人士林德之

贊曰經訓堂開惜士愛才大魁天下氣度恢恢

胡竹溪先生象



太倉鄉先賢畫像


胡益謙

九八

公姓胡氏諱益謙號竹溪太倉沙溪人祖諱承祐字且聞考諱
應琦字愚泉州庠生世有隱德公承父業勵志讀書嘉慶間亦
遊庠沙溪風俗故誠樸公益提倡風雅爲鄉里矜式著有一粟
詩草清鍊得宋人法內有苦雨賣荒諸篇關心民瘼有香山樂
府遺意蓋吾婁自梅郵主盟吟壇當世推爲詩史維公足以繼
之婁東詩派咸稱一時矣子世培字筱竹汝銘字惠卿俱食餼
有聲於時汝銘爲公弟德柄後其子朝銓字伯蘅著有嘯屏牘
稿越民國某年朝銓子端行合一粟詩草付諸梓名曰二葉詩
存於以見胡氏世澤孔長云

贊曰安定苗裔本支百世積德攸崇繇葉累禩旁薄扶輿聿生
賢嗣泮水鸞旂鳳毛麟趾風雅一門溫恭誠摯曾孫端孝前型
是視擴而大之繼志述事我鮮方將頌福靡止

陸魁仲先生像



公姓陸諱增祥字魁仲孝子廷珪孫清道光二十四年與兄增福同舉於鄉三十年以進士第一人授翰林院修撰咸豐元年母憂歸三年青浦土寇周立春犯太倉敘團練守城功加五品銜以贊善卽補六年充會試同考官十年授慶遠知府行及湖南巡撫毛鴻賓重其才奏留以道員用歷署糧儲道鹽法長寶道積功加布政使銜光緒二年補辰永沅清道其地與黔蜀錯壤爲羣盜淵藪公名捕其首置之法凡民苗獄訟必持平以是皆悅服又廣苗疆書院額勤督課士益嚮學居官四年減徭役勸耕作與民休息五年省墓歸八年六月丁卯卒於家年六十有七公在官不廢學性好金石文字著述甚富聚漢魏以來古甌至數千擇佳者手製爲硯晚年作古今字表未卒業而歿贊曰忠孝之性秉於遺傳文廟首選雍容木天一麾出守浩渺湖煙觀察辰永壯志雲騫勸農督課民苗賴焉政不廢學著書收甌祥和篤實清風脩然遺愛在民矜式此賢

錢芝門先生象



太倉鄉先賢畫像 錢恩榮

公姓錢諱恩棨號芝門清諸生洪楊事起歷佐軍幕積功保至
按察使銜公文才敏捷露布千言立就又善書法顏柳中藏清
腴氣有歷年軍牘底稿四冊尙未梓行

贊曰歷佐戎幕功績燦然臨池揮灑落紙雲煙

陸伯葵先生象



公姓陸諱寶忠字伯葵爽棠子光緒二年進士改庶吉士散館授編修十一年視學湖南楚中人文至或科場弊尤夥公下車爬梳剔抉積弊盡剷十七年入直南書房二十年升侍講學士轉侍讀累升內閣學士兼禮部侍郎銜二十二年充山東正考官旋簡浙江學政會丁母憂歸服闋補授兵部右侍郎簡順天學政三十一年補都察院左都御史明年釐定官制仍補都御史時遼東風雲正急公密陳十事憂深思遠能言人之所不敢言實足維中國命脈三十三年充國史館副總裁三十四年因病疏請開缺詔許之尋卒年五十有九賜祭葬如例予諡文慎宣付國史館立傳

贊曰弇山毓秀婁水澄清靈慧所萃迺誕先生淹通經史翰苑蜚聲視學棘闈玉尺持衡薪傳後進瑰璋瓊瑛繼被櫛多立朝能鳴條陳邊政善後功成式瞻亮操唯一唯精

楊瑤圃先生象

太倉鄉先賢畫像 楊泰英



公姓楊諱泰瑛字清圖優貢生清同治九年選授如皋訓導丁
母憂歸資館穀以養門下士一經指授賦于衿者踵相接光緒
十六年選授寶應訓導任二十一年卒於官年六十九歲其任如
皋時學使者長樂林天齡以廉潔自愛足資表率聞於朝傳旨
嘉獎同年魯琪光爲書自愛匾額任寶應時常懸諸廳事曰吾
以誌君恩且以自省也公少聰穎善屬文與王文貞公紫翔門
捷爭奇時人有王楊之目年未三十卽爲校官秋闈十餘試竟
不售時論惜之
贊曰守法強項衡鑒得人淑芳六藝秉鐸終身

王 三 歲 先 生 象



太倉鄉先賢畫像

王祖金

公姓王諱祖會字歲三清同治十二年鄉舉第二光緒九年進士改庶吉士散館選授山西淳縣知縣以親老告近改授河南陽陰知縣分校省闈得士稱或既至任會水災悉心履勘分別緩征請振設粥廠於各災區全活饑民無算調署中牟未赴丁父憂歸遂不復出立品最重氣節不屑標榜聲華爲諸生時精研程朱之書論出處必法孟子論取與必法任聖中年後益致力古文以史漢韓歐爲宗一時髦俊景附雲從歷主邑中三書院及宿遷海門崇明寶山各書院卒年七十七歲門人私諡文貞先生越十年與葉裕仁同祀鄉賢

贊曰伊洛淵源曠代宗傳嚴辨義利溪山屹然尸盟壇坵期翔木天出宰中州活民萬千掛冠而歸還我青氈士林矜式崇祀鄉賢

唐若欽先生象



太倉鄉先賢畫像

唐受祺

公姓唐諱受祺字若欽太倉人恩貢生祖森階字堯莫經商上海清道光二十九年水災道殣相望平民逋負纍纍森階綜計欠債各戶共有三千金之鉅乃悉招各欠戶至日歲饑如此恐君輩決不能償卽取債券當衆焚之衆皆感激激父學韓字翼亭忠厚好施與鄉里有善人之目公尤篤內行銳志力學以闡修不求人知爲旨爲文穿穴經義根柢儒先而於古今體詩聲律精意研求能入梅邨漁洋堂奧好蒐集鄉先賢遺著手鈔陸桴亭遺書十數冊子文治官京曹時爲刊行之國變後遷居無錫建立家祠刊印宗譜手書家訓懸諸祠中又修葺劉河祖墓自爲碑記爲族中貧乏者經營喪葬婚嫁瞻養孤寡而自奉極儉約食不重葷居恆青衫敝裘加以補綴服之三十年不易見者每詫曰封翁何如是耶年七十八重游泮水又六年卒公少家貧授徒自給教人以敦品立行爲第一義通經必以熟讀經文爲主門下士游庠食餼登科第者項背相望俱循循於禮法贊曰聿瞻泰斗歸乎靈光丕承世德佑啓大昌澹泊明志景行南陽一介取與維義之坊河汾譚道追琢其章成德達材天衢騰驥桴亭墜緒扶幽闡藏編纂遺集志慎弗違敬宗收族惠速編氓燕翼詒謀孝弟爲綱鐘是鬻是三命循牆昭茲來許天保无疆

陳玉森先生象



太倉鄉先賢畫像

陳寶書

公姓陳諱寶書字玉森父錫珪字研香以服賈起家守與人忠之義佐中表蕭氏三十年如一日教諸子讀書皆入庠序公中清光緒二十年舉人以會典館膳錄敘知縣需次湖北歷辦要差分校省闈得士稱或宣統二年權長陽知縣整頓社倉核實積穀會歲饑民賴以濟瓜代晉省遘武昌之變棄官歸籍館穀以資薪水居滬三載鬱鬱以卒年五十七歲公篤友于誼兄弟不異財家本饒裕及昆季相繼歿家幾中落竭力維持已遂無一壠之植工詞翰爲詩細膩風光雅近大歷十子頗膾炙人口云

贊曰文章經濟未竟所施則友其兄倫紀之師

跋

中華民國五拾陸年伍月拾伍日

贈

右太倉先賢畫象五十幀係同學凌子燕謀所輯情瞿子西華及余製版付刊預計四月間完成今始告竣雖由於印局之稽遲而余等之失於督促致未能早日蕙事固不得辭其咎也初燕謀編輯而兼籌經費西華奔走接洽余則定銅版購紙料與印局訂約函贖往還三易而始定稿促成之者唐茹經師前太倉縣長張公禮江及陸修祐先生襄助校刊者百宋印局顧道生君茲編既出行見婁水之湄鄉父老相聚展觀詔其子弟曰某也忠某也孝某也節烈某也義勇若者廣額方額始蹇而終亨若者氣茂神全揚清而激濁爲邦國革弊政者伊誰爲桑梓興水利者伊誰按圖索驥感慕奮興上溯宋元下迨明清太倉之先賢燦然如日星之光輝永垂儀範其流風餘韻歷萬禩而勿衰則燕謀之輯斯編其有功鄉邦文獻豈淺渺哉憶余垂髫時先君子出際練川名人畫象晤對先賢未嘗不拳拳服膺志學之年負笈婁東聆茹經師之訓誨益思有以自拔數十年來衣食於奔走今雖從事文化事業而學殖荒落愧無以對茹經師所冀假我數年得輯練川先賢畫象續編以詔示後昆幸燕謀與西華二子爲我圖之

中華民國二十六年十二月嘉定後學吳拯寰謹跋



國立中央圖書館



0146759

